

VRBANVS SECVNDVS.
URBANVS SECUNDVS PONT. CLXI. ANNO DOMINI MLXXXVIII.



Urbanus II. Gallus, ex oppido Castellionis diocesis Rheimensis, Otho antea dictus, Milonis filius, Canonicus Regularis Lateranensis, Monachus postea Cluniacensis, & S.R.E. Cardinalis Episcopus Ostiensis. Creatus Terracinae die 12. Martii 1088. Sedit annos 11. mens. 7. & dies decem & octo. Creavit Card. Episc. 7. Presbyteros 16. & Diac. 13. Obiit quarto Kal. Augusti anno 1099. Sepult. ad S. Petrum, Vacavit Sedes dies 14.

I. Approbatio Congregationis Monachorum Vallis Umbrosae, Ord. S. Benedicti, ejusque susceptio sub protectione Sedis Apost.

Istam Congregationem instituit Ioannes Gualbertus, quem in Sanctorum numerum cooptavit Caes. III. ut inf. in ejus constitut. 2. Gloriosus. Eadem sub anno Abbate stabilivit Innocent. VIII. & ordinationes ei constituit in ejus Bulla 2. Alto. Privilegia confirmarunt, aliaque tribuerunt Iul. II. in const. 13. Militantis, ac Pius V. in const. 41. Et si mendicantium.

Edita An. D. 1090. VRBANVS EPISCOPVS, SERVVS SERVORVM DEI: Dilectissimis filiis Universe Vallis Umbrosanae Congregationis, Salutem & Apostolicam Benedictionem.

Exordium. **C**UM Univerfis Sanctae Ecclesiae filiis ex Apostolicae Sedis Auctoritate, ac benevolentia debitores existamus, illis praecipue locis atque personis quae specialius, ac familiarius Romanae adhaerent Ecclesiae, quae ampliori religionis gratia eminent, propensiori nos convenit charitatis studio imminere.

Susceptio. **§. 1.** Quia igitur divina propositum vestrum praeviente ac subsequente clementia, Religionis vestrae simplicitas, bonae opinionis odorem in locis, & prope, & longè positis aspiravit; Nos vestro proventui, annuente Domino, proventus adjungere cupientes, Cœnobium vestrum pro B. Mariae semper Virginis reverentia, cui dicatum est, in Romanae Ecclesiae proprietatem, & tutelam, atque protectionem Apostolicae Sedis accipimus; & Apost. illud auctoritatis privilegio munientes, ab omnium personarum jugo liberum permanere decernimus.

Indultum d. **§. 2.** Per praesentem igitur nostri privilegii paginam, Apostolica auctoritate statuimus, ut quaecumque hodie vestrum Cœnobium jure possidet, sive in crastinum, concessione Pontificum, liberalitate Principum, vel

55
oblatione fidelium justè atque canonicè poterit adipisci, firmata vobis vestrisque successoribus, & illibata permancant. Illis successoribus dico qui eundem Religionis ritum, & fidei constantiam conservare, & strenuè omnipotenti Domino in eodem proposito deservire satagerint.

§. 3. Chrisma, oleum sanctum, consecrationes altarium, sive Basilicarum, ordinationem Clericorum, liceat vobis à quocumque volueritis Catholico Episcopo Romanae Ecclesiae gratiam atque communionem obtinente percipere, qui nostra fultus auctoritate quae postulant, indulgeat.

§. 4. Ad hæc, censemus atque statuimus, ne ulli omnino hominum liceat idem Cœnobium temerè perturbare, aut eis subditas possessiones auferre, minuere, vel temerariis vexationibus fatigare, sed omnia integra conserventur eorum, pro quorum sustentatione, & gubernatione concessa sunt, utilis profutura.

§. 5. Nec ulli Episcopo potestas sit excommunicationem, aut interdictionem vobis ingerere, ut qui in specialibus filii Apostolicae Sedis assumpti, nullius ulterius judicio temerè exponamini.

§. 6. Quia verò plura jam Monasteria, Congregatio videlicet Sancti Salvi, juxta Florentiam, Sancti Fidelis de Serumis, Sancti Salvatoris de Sophena, Sanctae Mariae de Nerana, Sancti Cassiani de Monte Stalario, Sancti Angeli de Passiano, Sancti Salvatoris de Siculis, Sancti Angeli juxta Pistoriam, Sancti Salvatoris de Vagiano, Sancti Petri de Mustiata, Sancti Pauli de Reguolo, Sanctae Reparatae de Faventina Diocesi, & Congregatio de Rivis Casaris, & Congregatio de Fontana Tarnis, & Congregatio de Monte armato in Bononiensi Diocesi, inspirante Domino in eandem vobiscum formam consenserunt Religionis: Nos & ipsi, & omnibus qui se in crastinum eidem Religionis usui, ex integro sociare voluerint, praesentis privilegii libertatem Apostolica auctoritate concedimus, quamdiu in eadem Religionis, & consuetudinis unitate persistere procuraverint.

§. 7. Constituimus autem, ut eorum omnium caput, vestrum, quod in Valle Umbrosana situm est Monasterium, habeatur.

§. 8. Sanè cum terminus vitae Pastori vestro divina dispositione contigerit, qui ejus loco substituendus fuerit, quia & vobis, & aliis omnibus praesse debet, omnium qui ceteris praestit Monasteriis consensu, & judicio eligatur. Quod si fortè ex ipsis Abbatibus quilibet, Domino disponente, ad hoc generale regimen electus fuerit, ad vestrum principale Cœnobium principaliter transeat. Et ejus mox judicio, sicut in diebus Venerandae mem. Joannis primi Abbatis vestri factum constat, cetera omnia unita vobis Monasteria disponantur.

§. 9. Vos igitur filii in Christo dilectissimi, nolite negligere, gratiam quae in vobis est, quae data est vobis per unitatem sanctae conversationis & religionis. Hæc meditamini, in his estote, ut profectus vester manifestus sit omnibus. Participes enim Christi effecti estis, si tamen initium substantiae ejus usque ad finem firmum retineatis. Mementote quod Dominus ait: Qui perseveraverit usque in finem, hic salvus erit. Itaque sic luceat lux vestra coram hominibus, ut videant opera vestra bona, & glorificent patrem vestrum qui in Caelis est: Ad indicium autem perceptae hujus à Romana Ecclesia libertatis per annos singulos duodecim fagi: : : Laterano Palatio persolvatis.

§. 10. Sanè si quis in crastinum Archiepiscopus, aut Episcopus, Imperator, aut Rex, Princeps, aut Dux, Comes, aut Vicecomes, aut Judex, aut persona quaelibet magna, vel parva, potens, aut impotens, hujus nostri privilegii paginam sciens contra eam venire temere tentaverit, secundò, tertiove commonitus, si non satisfactione congrua emendaverit, à Christi & Ecclesiae corpore cum auctoritate potestatis Apostolicae segregamus.

§. 11. Conservantibus autem, pax à Deo, & misericordia praesentibus, ac futuris saeculis conserventur. Amen.

Dat. Romae per manus Joannis S.R.E. Diac. Cardinalis, Anno Dominicae Incarnationis 1090. Indictione 13. viii. Idus Aprilis, Pont. Domini Urbani P. Secundi Tertio.

Ordinationes à quocumque Antistite recipienda. Vide Concil. Trid. sess. 23. c. 12.

Nemo Cœnobium, ejusque personas perturbet.

Episcopi non possunt excommunicare. Vide Concil. Trid. sess. 25. c. 12. Hac privilegia aliis locis d. Congregationis communicantur.

Caput constituitur Monasterii Vallis Umbrosae. Abbas ad regimen Congregationis esse eligendus. Intelligi juxta Concil. Trid. sess. 25. c. 6.

Horatio Pastoralis ad Congregationem.

Pax in perturbatoribus.

Pax pro eorum pacis conservatoribus.

D. P. An. 3. die 6. Apr.